

Isumaginninnermut Aqutsisoqarfimmi allattoqarfimmi kontorcheffi

Inuttut sulianullu tunngasutigut sunniuteqarluarsinnaasumik pilersaarusiornissamut iliuusissanillu aaqqissuinissamut, piginnaanngorsaqqiinissamut, sullissinissamut ingerlatsinissamullu suliaqarnissaminut piumassuseqarlunnartumik aqutsisussarsiorpugut. Kontorcheffitut sulinissanni ilakkuminartuunissat siunnersiullaqqissuunissallu pingaaruteqarlunnarpoq, imaaliallaannaq pilersaarusiorneq iliuusissanillu aaqqissuineq, suliassaannik tamakkiisumik takunnissinnaassaait aammalu immikkoortortaqaqfiup kiffartuussinermik kultureqarnera aammalu immikkoortortaqaqarfimmi suleqatigiiaat naligiissutut tamarmik inissisimatinneqarnerat akuersaassallugu.

Atorfik pillugu

Allattoqarfimmi pisortatut allattoqarfimmi sulisut aqutsisutut akisussaaffigissavatit, aqutsisoqarfimmi pisortaq aammalu pisortaaqatigiit allaffissornikkut suleqatigiinerlu naapertorlugit amerlanertigut ataqatigiissaarisassallutit. Taamaammat allaffissornikkut misillitagaqarluartuussaait, ingammik pilersaarusiornissinnaanermut iliuusissanillu aaqqissuinissinnaanermik, suliniutinillu inerisaanissamut ataqatigiissaarinermik atuutsisinissamullu. Namminersorlutit sulisinnaassaait, paasissutissanik ujartuisarlutit aamma Aqutsisoqarfiup immikkoortortaqaqfiinit sulianik annertuunik annikitsunillu kiffartuusserusussuseqarlutit suliaqarsinnaassaait. Tassami Aqutsisoqarfiup anguniagai tassaapput, suliniutit akimortumik ataqatigiissinnissaat, aqutsisoqarfiup kiffartuunnissaa, inerisarnissaa aqunneqarnissaalu, taakkununga ilutigittillugu immikkoortortaqaqfiit allat isumaginninnermut suliassaqaqfiup iluani ilinniagaqassusertik aallaavigalugu eqqissillutik ikiorserneqarlutillu suliniassammata.

Suliassatit Ilaatigut makkussapput:

- Pisortaaqatigiit sulisullu unamminartitaasa piujunnaarsinnissaat, aammalu immikkoortortaqaqarfimmi suleqatigiiaat qanimut suleqatigalugit aaqqissuussaaneermut iluaqutigineqartussamik aaqqiissutissanik suliaqartassallutit
- Ulluinnarni sulisunik aqutsinikkut aammalu atorfinnut atatillugu inatsisitigut suliaqarnikkut sulisunik kaammattuisarneq malitseqartitsisarnerlu
- Allattoqarfimmi suliassat nammineq pilersaarusiornissaat naammassineqarnissaallu, matumani ingerlaavartumik ukkatarinninnikkut pingaarnersiutinikkullu
- Allaffissornikkut suleriaasissat pitsaangorsaanissallu ineriartortinnissaat, atuutsilernissaat nutarterneqartarnissaallu, taakkartorneqartut naapertuunniassammata pitsaasuuniassammatalu
- Suleqatit suliamut tunngasunik pitsaalluinnartumik siunersioqatigineri, taamaalilluni allattoqarfiup suliassani piffissaq eqqorlugu pitsaassusaanillu qaffasissunik tunniussisarnissaa qulakkeerneqarluni
- Aqutsisoqarfimmut tamarmut attaveqaqatigiinnikkut, piginnaanngorsaqqiinikkut pilersaarusiornissamut iliuusissanillu aaqqissuinissamut, suliniutit ingerlanneqarnerini ingerlatsisarnissaaq pilersaarusiortarnissarlu

Naatsorsuutigaarput, illit:

- naapertuuttumik ilinniarsimanissat
- Namminersorlutik Oqartussani kulturimut paasisimasaqarlutit ilisimasaqarlutillu
- tamakkiisumik takunnilluarsinnaasartutit aammalu tunniutiinnajangitsutit aammalu mianersorlutit ullormut suliassanut assigiinngitsuusunut paasisimaqartuusutit
- piumassuseqarlutit, sunniuteqarsinnaassuseqarlutit aammalu siuarsaanissamut

naammassisaqarnissamillu qulakkeerinnissinnaassuseqartutit.

- Suleqateqallaqqilluinnartutit attaveqallaqqillutillu aammalu inunnik assigiinngitsunik ilinniarsimassutsimigut tunuliaqarlutik suliaqartartunik tusarnaarluaarsinnaallunilu oqaloqateqallaqqittutit
- sulisunik aqutsinissamut piumassuseqartutit sulisunullu sammiviliinissamut nuannarisaqartutit. Taamaalillutit ikorfartuutaallutillu aqutsisuunermik sungiusimannissaatit, aqutsinissamik agguataarinissamillu paasisimasaqarlutit, soorluttaaq ulluinnarni ulapaarfinni sumulluunniit sammisunik aqutsilluaarsinnaasutit

Uku ilinnut neqeroorutigisinnaavagut:

- atorfik qitiusoq aqutsisoqarfimmi piginnaasannik naleqartitsisoq pisariaqartitsisorlu, tamatigoortoq assigiinngitsunik pissanganartunik suliassaqarfiusoq
- Suliffeqarfitsialak suleqatigiilluarfiusoq ineriartortitsinissamillu qitiutitsisoq
- meeqqanut inuusuttunullu suliassaqarfimmi naalackersuunermik suliallit suliniutaannik assut paasisimasaqarneq
- aqutsisoq suliamut tunngasunik piginnaasannut tatiginnittoq, piviusorsiortunik piumasaqaateqartartoq ineriartornissannillu salliutitsisoq
- persuarsiortasinngitsumik ataqqinnittumillu pissusilersortarneq, aamma ulapikkaangatta

Isumaginninnermut Aqutsisoqarfik pillugu

Isumaginninnermut Aqutsisoqarfik Meeqqanut, Inuusuttunut Ilaqutariinnermullu Naalackersuisoqarfiup ataanni aqutsisoqarfiuvoq tallimanik immikkoortortalik: Paarisa, ulloq unnuarlu meeqqat inuusuttullu paaqqinnittarfiinik, sullissisunik siunnersuisarfik, aningaasaqarnermut immikkoortorta q aamma allattoqarfik. Immikkoortorta qarfiit qanimut suleqatigiittarput aamma ilinniagaq aallaavigalugu suliat amerlasuut suliffimmi tassani unammillernartorpassuaqartarput.

Pineqaatissinneqarsimannginnermut aamma meeqqanut pinerliisimannginnermut uppernarsaat:

Atorfik taanna meeqqanik pinerliisimannginnermut aamma pineqaatissinneqarsimannginnermut uppernarsaammik piumasaqaateqartussaataaneq pillugu inatsit naapertorlugu uppernarsaatinik piumasaqaateqarfiuvoq. Inatsit naapertorlugu Isumaginninnermik Aqqutisoqarfik uppernarsaatinik naammaginatutut isigineqartunik pereerpat atorfinninnerq aallartinneqarsinnaavoq. Taamaattumik malugeqqussavarput Isumaginninnermik aqutsisoqarfiup uppernarsaatit nammaginatutut isigineqartut, meeqqanik pinerliisimannginnermik uppernarsaat rigspolitiinit, aammalu pineqaatissinneqarsimannginnermut uppernarsaat Politiinit pippagit atorfinnissaq inissinneqassammat.

Meeqqanik pinerliisimannginnermut uppernarsaat Isumaginninnermik Aqqutisoqarfimmiit aaneqassaaq pineqartumik akuersissuteqarnikkut, pineqaatissinneqarsimannginnermullu uppernarsaat nammineq illoqarfigisami Politeeqarfimmut aaneqassaaq.

Piffissaq

Sukkanerpaamik

Qinnuteqarfissaq kingulleq tassaavoq tallimanngorneq ull. 12. oktober 2026 nal.12.00 (Kalaallit Nunaata nalunaaqutaa malillugu)

Sulilersitsinissamut oqaloqatiginninnerit ingerlaavartumik ingerlanneqarsinnaapput imaluunniit qinnuteqarfissap kingulliup qaangiunneranit kinguinnguani.

Akissarsiat atorfeqartitaanermilu atugassarititaasut:

Atorfik akissaateqarfimmi LR 36-mi maanna inissisimavoq. 1. april 2026 LR 36-mi tunngaviumik akissarsiaq tapiillu aalajangersimasut soraarnerusutissianullu illuartittagaq ilanngullu antterussuseqarput qaamammut Kr. 57.531 ukiumullu Kr. 690.372.

Aallaaviatigut isumaqatigiissutini atugassarititaasut naapertorlugit atorfinitsitsisoqassaaq, qinnuteqartoq tjenestemandi-tut atorfeqareersimaguni Nunatsinni pisortani tjenestemandit pillugit inatsisit malillugit tjenestemandinut atugassariti-taasut naapertorlugit atorfinitsinneqarsinnaavoq.

Atorfimmut atuuttoq tassaavoq, piffissap suliffiusussap qanoq sivilutiginissaa killilersugaanngimmat, aammalu qaangiuttoornermi ajunngitsorsiassat akilerneqarnissaat ullullu sulinngiffissat annaaneqartut ajunngitsorsiassarsissutiginissaat atorneqarsinnaanngillat.

Piffissap suliffiusussap sivilussusissaa aallaavittut sapaatip akunneranut nalunaaquttap akunnerinik 40-nik sivilussuseqarpoq.

Akissarsianut atorfeqartitaanermullu tunngasutigut piumasaqaatit, taakkununnga ilanngullugit atorfinikkiartorluni soraarlunilu angalanermut aamma pequtit nassiunneqarnerinut akiliunneqarsinnaatitaaneq, Namminersorlutik Oqartussat aamma pineqartup kattuffiata isumaqatigiinniarsinnaatitaasup akornanni isumaqatigiissutit piffissami atorfiniffiusumi atuuttut naapertorlugit pissapput.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Paasissutissat sukumiinerusut

Atorfik pillugu itinerusumik paasisaqarnerorusukkuut Aqutsisoqarfimmi immikkoortortaqaqarfimmi pisortaagallartoq Nielsine Albrechtsen njoe@nanoq.gl imaluunniit +299 242505 attavigisinnaavat.

Qinnuteqaatit, CV, ilinniarsimasanut pikkorissaatigisimasanullu uppernarsaatit kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkit.
E-mail-ikkut qinnuteqaatinik tigusineq ajorpugut.